

সারাদেশ

কুষ্টিয়ায় সাংবাদিকদের সঙ্গে জামায়াতের মতবিনিময়

প্রতিবেদক: কুষ্টিয়া প্রতিনিধি

প্রকাশের তারিখ: বৃহস্পতিবার, ০৩ সেপ্টেম্বর ২০২৬, ০৯:১৬ PM



কুষ্টিয়ার মিরপুরে সাংবাদিকদের সঙ্গে মতবিনিময় সভা করেছে বাংলাদেশ জামায়াতে ইসলামী। বুধবার সন্ধ্যায় মিরপুর প্রেসক্লাব কার্যালয়ে এ সভা অনুষ্ঠিত হয়।

উপজেলা জামায়াতের নায়েবে আমির অধ্যাপক শাহ আক্তার মামুনের সভাপতিত্বে সভায় প্রধান অতিথি ছিলেন কুষ্টিয়া জেলা জামায়াতের সেক্রেটারি মো. এনামুল হক। মিরপুর প্রেসক্লাবের সাধারণ সম্পাদক রাশেদুজ্জামান রিমনের সঞ্চালনায় সভায় বিশেষ অতিথি ছিলেন জেলা জামায়াতের ইউনিট সদস্য অধ্যাপক জুমারত আলী।

এ ছাড়া বক্তব্য দেন মিরপুর প্রেসক্লাবের সভাপতি মারফত আফ্রিনী, সাবেক সভাপতি আছাদুর রহমান বাবু, সহসভাপতি অধ্যাপক আব্দুস সালাম এবং উপজেলা জামায়াতের সহকারী সেক্রেটারি মোহাম্মদ ওমর ফারুক।

সভায় প্রধান অতিথি মো. এনামুল হক বলেন, আল্লাহ মানুষকে পৃথিবীতে পাঠিয়েছেন মানুষের কল্যাণে কাজ করার জন্য। তাই প্রত্যেকেরই মানুষের কল্যাণে কাজ করার সুযোগ রয়েছে এবং তা সবসময় স্মরণ রাখা উচিত।

তিনি আরও বলেন, বৈষম্যহীন সমাজ গঠনের লক্ষ্যে জুলাই আন্দোলনের যে প্রত্যাশা তৈরি হয়েছিল, তা এখনো পূরণ হয়নি। ফলে সেই প্রত্যাশার বাস্তবায়ন সম্ভব হচ্ছে না।

সভায় মিরপুর প্রেসক্লাবের সাংবাদিকদের পাশাপাশি জামায়াতে ইসলামীর স্থানীয় নেতাকর্মীরা উপস্থিত ছিলেন।

মতবিনিময় সভা শেষে জামায়াতে ইসলামীর পক্ষ থেকে মিরপুর প্রেসক্লাবকে বিভিন্ন বই উপহার দেওয়া হয়।

এ বিভাগের আরও খবর



আন্তগণ্যে রুমিন ফারহানাকে অব্যাহত ঘোষণা, বিএনপির খাড়ু মিছিল
জাতীয় সংসদে বিএনপির সমালোচনা করে দেওয়া বক্তব্যের প্রতিবাদে ব্রাহ্মণবাড়িয়ার আন্তগণ্যে ব্রাহ্মণবাড়িয়া-২ আসনের স্বতন্ত্র সংসদ সদস্য ব্যারিস্টার...



সাতক্ষীরায় সড়ক দুর্ঘটনায় পথচারীর মৃত্যু
সাতক্ষীরায় যাত্রীবাহী বাসের খাক্সার আব্দুল মাজেদ (৬০) নামে এক পথচারী নিহত হয়েছেন। আজ রোববার সকাল সাড়ে ১০টার দিকে সাতক্ষীরা-খুলনা মহাসড়কে...



পদ্মায় নির্খোজ ছাত্রদল নেতা রকির মরদেহ উদ্ধার
কুষ্টিয়ার ভেড়ামারায় পদ্মা নদীতে নৌকা ভ্রমণে গিয়ে হার্ডিঞ্জ ব্রিজের পিলারের সঙ্গে ধাক্কা লেগে নির্খোজ যিনিহিদহের শৈলকুপার পৌর ছাত্রদলের সদস্য...



ব্রাহ্মণবাড়িয়ায় কনসার্ট ইস্যুতে সমঝোতা, মানতে হবে যে শর্ত
ব্রাহ্মণবাড়িয়া সরকারি কলেজের নবীনবরণ উপলক্ষে কনসার্ট আয়োজনকে কেন্দ্র করে সৃষ্ট বিরোধের অবসান হয়েছে। শনিবার (১৩ সেপ্টেম্বর) সন্ধ্যায় ব্রাহ্মণ...

Copyright Dhaka Probe

অনলাইন সংস্করণ পড়তে ভিজিট করুন: <https://www.dhakaprobe.com/saradesh/kushtiyay-sangbadikder-sngge-jamayater-mtbinimy>